

1564.

tas, factaque, praestita, & illata, fuisse, & esse temerarias, illicitas, indebitas, & injustas, temerariaeque, illicitae, indebitae, & injustae, ac de facto praesumptas, & praesumptas, illasque, & illa Abbatibus, Praelatis, Monachis Congregationis Cassinensis, hujusmodi fecisse, & facere minime licuisse, neque licere de jure. Et propterea de, & super illis, ac dicto jure procedendi, omnibusque & singulis aliis praemissis perpetuum silentium imponendum fore, & esse, & tunc impositum, prout in rescripto, relatione, & sententia praedictis plenius continetur.

Et modo sup- plet eisdem sententiae de- fectus, & illam inviolabiliter observari in- dat.

§.6. Ne autem de sententia, aliorumque praemissorum validitate ullo umquam tempore dubitari, ac propterea, vel alio quovis praetextu rem mature discussam, & judicatam, rursus in controversiam retrahi, neve denuo in Ecclesia Dei inter tales personas Religiosas contentiones exoriri, ac populo scandala generari contingat, tempestive providere, ac supremam huic negotio manum apponere cupientes, necnon veteriores literarum singulorum Praedecessorum, ac rescripti, processus, relationis, sententiaeque praefatorum, & inde secutorum tenores praesentibus pro sufficienter expressis habentes. Motu simili, non ad ipsorum Abbatum, Praelatorum, & Canonicorum Regularium Congregationis Lateranen., vel alterius pro eis Nobis super hoc oblata petitionis instantiam, sed ex mera deliberatione, & certa scientia nostra, ac de Apostolice potestatis plenitudine ad effectum executionis dictae sententiae tantum omnes, & singulos processus, & sententiae praefatorum defectus etiam substantiales, si qui forsitan in eisdem intervenerint, harum serie supplemus, ac eandem sententiam unam cum ejus processu validos, & efficaces esse, suosque plenarios, & integros effectus fortiri, & inviolabiliter ab omnibus observari debere, nec partes ipsas ab eis ullo umquam tempore quovis praetextu, quaevis colore resiliere posse, sed ad id illorum observationem teneri, censuris, & poenis, tam Ecclesiasticis, quam pecuniariis ad id cogi, & compelli, neque Monachos eorumve Congregationem adversus sententiam, aliaque praemissa in pristinum statum quovis quaesito colore, vel ingenio restitui, nec illa oppugnantes audiri.

Clausula pre- servativa, & Decretum ir- ritans.

§.7. Praesentisque literas de subreptionis, vel obreptionis vitio, aut intentionis nostrae, aut alio quovis defectu notari, seu impugnari posse, sicque, & non aliter per quoscumque Judices, & Commissarios, etiam S.R.E. Cardinales, sublata eis, & eorum cuilibet, quavis aliter judicandi, & interpretandi facultate, & auctoritate, judicari, & definiti debere, ac quicquid secus a quoquam quavis auctoritate, scienter, vel ignoranter attentari contigerit, irritum, & inane decernimus, praemissaque omnia perpetuo statuimus.

Executorum hujus Constitu- tionis depara- tio, & facultates.

§.8. Et quod ita fiant, & observentur, volumus, atque mandamus similiter venerabili fratri Episcopo Amerin., & dilectis filiis nostro in Alma Urbe, & ejus districtu

Vicario in spiritualibus, ac Curiae causarum Camerae Apostolicae Auditori generalibus, per praesentes motu pari mandantes, quatenus ipsi, vel duo, aut unus eorum, per se, vel alium, seu alios praesentes literas, & in eis contenta quaecumque, ubi, & quando opus fuerit, ac quoties pro parte Rectoris generalis, & Abbatum, Praelatorum, ac Regularium Canonicorum S. Augustini Congregationis Lateranen. praefatorum, vel alicujus eorum fuerint requisiti, solemniter publicantes, ac illis in praemissis efficacis defensionis praesidio assistentes, faciant auctoritate nostra illos supplementatione, decreto, statuto, voluntate, & mandato, aliisque praemissis pacifice frui, & gaudere. Non permittentes eos, vel eorum quempiam desuper per quoscumque quomodolibet indebite molestari, deturbari, vel inquietari. Contradictores quoslibet, & rebelles per sententias, censuras, & tam Ecclesiasticas, & pecuniarias, etiam arbitrio suo moderandas, & applicandas, quam etiam privationis beneficiorum Ecclesiasticorum per ipsos contradictores obtentorum poenas, aliaque juris remedia, appellatione postposita, compe- scendo, ac legitimis super his habendis, servatis processibus, illos sententias, cen- suras, & poenas hujusmodi incurrisse declarando, illosque etiam iteratis vicibus aggra- vando, & interdictum Ecclesiasticum imponendo, invocato etiam ad hoc, si opus sit, auxilio brachii saecularis.

Clausula de- rogatoria.

§.9. Non obstantibus praemissis, ac fel. rec. Bonifacii PP. VIII. Praedecessoris nostri de una, & Concilii generalis de duabus dietis, dummodo quispiam praesentium vigore ultra tres dietas ad iudicium non trahatur, ac aliis quibusvis Constitutionibus, & Ordinationibus Apostolicis, necnon Monasteriorum, & Ordinum, ac Congregationum praefatorum, etiam juramento, confirmatione Apostolica, vel quavis firmitate alia roboratis statutis, vel consuetudinibus, privile- giis quoque, indulgentiis, & literis Apostolicis illis, eorumque superioribus, ac personis, sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, irritantibusque, & aliis decretis, in genere, vel in specie, etiam motu, & scientia similibus quomodolibet concessis, ac etiam iteratis vicibus approbatis, & innovatis, quibus omnibus illorum tenores pro sufficienter expressis, & insertis habentes, illis alias in suo robore permanentibus, hac vice dumtaxat specialiter, & expresse derogamus, contrariis quibuscumque, aut si aliquibus communiter, vel divisim, ab Apostolica sit Sede indultum, & expresse suscipi, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

Fides tran- sumptorum.

§.10. Volumus autem, quod praesentium transumptis manu alicujus Notarii publici subscriptis, & sigillo personae in dignitate Ecclesiastica constitutae munitis, in iudicio & extra ubilibet locorum plena, & indubia, eadem-

1564.

eademque prorsus fides adhibeatur, si forent exhibitae, vel ostensa.

D. P. An. V. 28. Februarii.

Datum Romae apud S. Petrum, sub Annulo Piscatoris, die decimo octava Februarii, millesimo quingentesimo sexagesimo quarto, Pontificatus nostri Anno V.

Sequitur tenor sententiae praedictae.

Enarratio dif- ferenda.

Christi nomine invocato, pro Tribunali sedentes, & solum Deum praeculis habent. hanc nostram definitivam sententiam, quam ferimus in his scriptis, in causa, & causis, quae coram Nobis, & quas dilectis filiis nostris Joanni Michaeli Saraceno tit. S. Anastasiae, Joanni Baptista Cicadae tit. S. Clementis, ac Bernardino Scoto tit. S. Matthaei S. R. E. Cardinalibus primo audiendas, cognoscendas, & per eos deciden- das, & terminandas, & deinde per praefatos Cardinales per Apostolica nostra rescripta Nobis referendas commisimus, inter dilectos filios Abbates, Praelatos, & Canonicos Regulares Ordinis S. Augustini, Congregationis Lateranen. & universam Congregationem ex una, & Praelatos, Abbates, & Monachos Ordinis S. Benedicti Congregationis Cassinensis, alias S. Justinae de Padua nuncupatos, & dictam eorum Congregationem, de & super praecedentia, & jure inter eos procedendi, tam in processionibus, quam in generalibus, & synodalibus, seu Provincialibus Conciliis, omnibusque actibus publicis, & privatis, rebusque aliis in actis causae, & causarum hujusmodi latius deductis, & illorum occasione, in prima, seu alia verba fuerint, & vertebantur instantibus, partibus ex altera, causa hujusmodi coram dilectis Cardinalibus ad plenum ventilata, ac saepius auditis partibus, & du- bii in ea plene discussi, & resoluti, ac visis de jure videndis, & demum per dictos Cardinales Nobis matura desuper facta relatione, pronunciamus, sententiamus, decernimus, & declaramus, Abbates, Praelatos, & Canonicos Regulares Congregationis Lateranen. uti Clericos dimissa superiori veste, pallio, seu cappa, in linea veste, clericali habitu incedentes (quod etiam in Alma nostra Urbe Romae consuetum fuit, & nunc observatur, in processionibus, & omnibus aliis actibus publicis, & privatis, tam in dicta Alma Urbe nostra, nostroque, & Successorum nostrorum conspectu, quam alias universis, ac quibuscumque aliis civitatibus, terris, oppidis, & locis dictis Abbatibus, Praelatis, & Monachis Ordinis Sancti Benedicti Cassinensis, praecedere debuisset, & debere, eosdemque Abbates, Praelatos, & Canonicos Regulares, dictamque eorum Congregationem, ut sup. incedentes, dictis Abbatibus, Praelatis, & Monachis S. Benedicti, & eorum Congregationi, in omnibus, & singulis praemissis praefandos, & anteposendos, & in digniori loco collocandos fore, & esse. Abbates vero dictarum Congregationum Lateranen. & S. Benedicti singulariter, & de per se absque eorum conventibus, in Conciliis generali-

Decisio quo ad praecedentiam inter praefatos, & Monachos.

Decisio quo ad praecedentiam Abbatum de per se absque Con- ventibus.

bus, provincialibus, & synodalibus, & aliis actibus publicis, & privatis, in quibus Abbates de jure, vel consuetudine locum, & votum habent, vel pro tempore quomodolibet habebunt, inter sese juxta singulorum ipsorum Abbatum ibidem intervenientium, priorem, & antiquiorem promotionem ad Abbatiam ac illa promotione dumtaxat, non autem Congregatione, & Ordine cujus fuerint attentis praecedere, ac praefari, & in digniori loco collocari debuisset, & debere, prout praefimus, anteposimus, collo- camus, praeferrimus, anteponi, & collo- cari respective mandamus. Jactationes quoque, molestationes, oppositiones, pertur- bationes, vexationes, & impedimenta quaecumque per praefatos Abbates, Praelatos, & Monachos dicti Ordinis S. Benedicti, & dictam eorum Congregationem eisdem Abbatibus, Praelatis, Canonicis Regularibus dicti Ordinis, & eorum Congregationi, de & super praefatis omnibus, & singulis, & illorum occasione quomodolibet factas, praestitas, & illatas, factaque, praestita, & illata, fuisse, & esse temerarias, illicitas, indebitas, & injustas, temerariaeque, illicitae, indebitae, & injustae, ac de facto praesumptas, & praesumptas, illasque, & illa praefatis Abbatibus, Praelatis, & Monachis fecisse, & facere minime licuisse, nec licere de jure. Et propterea de, & super illis, ac dicto jure procedendi, ut supra, omni- bus aliis, & singulis praemissis perpetuum silentium imponendum fore, & esse, ac imponimus. Utramque partem in expensis justis ex causis absolventes.

Impositio per- petui silentii.

Abolutio par- tium ab ex- pensis.

Ita refero, & censo pronunciamus esse Joannes Michael Cardinalis Saracenus. Ita refero, & censo pronunciamus Joannes Baptista Cardinalis S. Clementis. Ita refero, & censo pronunciamus esse Bernardinus Cardinalis Tranen.

Nomina Car- dinalium, qui causam co- gnoverunt & Pontifici re- tulerunt.

XC.

Revocatio licentiarum omnium quibuscumque (exceptis Commissariis, & Inquisitoribus haereticae pravitatis) concessarum, tenendi, vel legendi libros Luteranos, aut de haeresi suspectos. Et prohibitio illos de cetero habendi, vel legendi.

PIUS PAPA QUARTUS

Ad perpetuam rei memoriam.

Um pro munere quod sustinemus, id praecipue Nobis propositum habeamus, & omni studio, diligentiaque curemus, ut omnes Christianifideles tam gravibus, calamitosisque temporibus in recta, & Catholica fide contineamus, id agere, & providere necesse est, ut omnem omnibus aberrandi ab ea occasione subtrahamus. Nemini autem mirum videri debet, si Romanus Pontifex nonnumquam facultates aliquas, quas ipse, vel Praedecessores ejus probabili adducti ratione concesserint, po- stea

Exordium.



Causa revocacionis.

Revocatio licentiarum habendi & legendi libros hereticos, vel de heresi suspectos.

Prohibitio legendi & habendi libros prohibitos, & prohibendos.

Monitio, ut tales libri Inquisitoribus locorum consignentur.

scia revocet, cum ipso rerum usu edoctus animadverterit, eas iustiori de causa esse revocandas.

§.1. Ad notitiam nostram pervenit, ex data nonnullis licentia habendi, & legendi libros hereticos, aut de heresi suspectos, ad hereses, & errores, qui in eis libris continebantur, refellendos, non raro evenire solere, ut illis ipsis eorum librorum lectio noceat, quibus ob eam causam concessa fuerit, ut aliis prodesse possent, illis ipsis heresibus, & erroribus propter humane mentis imbecillitatem eos implicans, a quibus se alios revocatos esse confisi fuerant.

§.2. Huic rei providere, & animarum periculo, quantum fieri potest, pro pastoralis sollicitudine occurrere cupientes, cogitantisque Nobiscum, nuper in sacro generali Concilio hereses horum temporum ita confutatas, atque damnatas fuisse, ut tanta Synodi auctoritas, cujus decreta hujus sanctae Sedis auctoritate, cum deliberatione matura confirmata, & comprobata sunt, ad vitandos errores, & Catholicae fidei veritatem agnoscendam sufficere omnibus debeat, nec ullius praeterea confutatio requirenda sit. Praedecessorum nostrorum praefertim felic. record. Julii III., & Pauli IV. vestigiis insistentes, Motu proprio, & ex certa scientia nostra, ac deliberatione matura, omnes & singulas facultates habendi, & legendi libros Luteranos, aut aliorum hereticorum, seu de heresi suspectos, omnibus tam clericis secularibus, aut regularibus, quam laicis, cujuscumque status, gradus, ordinis, vel conditionis sint, etiam si Episcopalis, vel Archiepiscopalis, aut alia majori ecclesiastica, seu seculari dignitate praesulgeant (inquisitoribus, & commissariis hereticae pravitate a Sede Apostolica deputatis, quoad eo Officio fungentur, exceptis) a Nobis aut quocumque Praedecessorum nostrorum, seu Apostolica Sedis Legatis, majorive Poenitentiaro, vel quibuscumque aliis, quibuscumque verborum formis, & clausulis etiam derogatoriis, irritantibusque, & aliis decretis quomodolibet, etiam motu & scientia simili ad hoc tempus concessas, auctoritate Apostolica tenore praesentium revocamus, & pro revocatis, & irritis, perinde ac si numquam concessae fuissent, habemus & haberi volumus.

§.3. Inhibentes omnibus sub censuris, sententiis, & poenis, tam a sacris Canonibus, quam a Sede Apostolica ad hoc tempus constitutis in eos, qui hujusmodi libros legant, aut habeant, ne quis eorum posthaec eis facultatibus uti, neve ullos omnino libros hujusmodi improbatos & prohibitos, aut quos in posterum a Sede Apostolica, Inquisitoribus hereticae pravitate, aut locorum Ordinariis improbari, prohiberi que contigerit, legere, habereve quacumque de causa audeat.

§.4. Impressores autem & Bibliopolas, & alios, quicumque ejusmodi libros habent, habuerintve (Inquisitoribus & Commissariis iisdem dumtaxat exceptis) mone-

mus, & cuilibet eorum, in virtute sanctae obedientiae, & sub poena incursum criminis heresis, & aliis contra hereticos a jure inflicis, & irrogatis, tam ecclesiasticis, quam temporalibus sententiis, censuris, & poenis praecipimus ac mandamus, ut eos libros intra sexaginta dies a die, quo haec litera publicata fuerint, numerandos, quorum viginti pro primo, alios viginti pro secundo, reliquos pro tertio, ac peremptorio termino, & monitione Canonica eis assignamus, Inquisitoribus hereticae pravitate in civitatibus, in quibus ii libri sint, tradant, atque consignent.

§.5. Non obstant. Constit., & Ordinationibus Apostolicis contrariis quibuscumque, aut si aliquibus communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§.6. Ut vero haec litera, & quae in eis continentur, ad omnium, quorum oportet, notitiam perveniant, nec quisquam ea excusatione uti possit, quod illa ignoraverit, volumus, & mandamus, ut in Basilica Vaticana Principis Apostolorum, & in Ecclesia Lateranensi tunc, cum in eis populus, ut Missarum solemnibus interfit, congregari solet, palam clara voce a Curia nostra Curforibus, seu Notariis aliquibus publicis recitentur, & postquam recitata fuerint, ad valvas earum Ecclesiarum, itemque Cancellariae Apostolicae, & in loco solito Campi Florae affigantur, ibique quo legi, & omnibus innotescere possint, aliquamdiu relinquuntur.

§.7. Transumptis quoque earum quae manu alicujus publici Notarii scripta, subscriptave, & sigillo, ac subscriptione alicujus personae in dignitate ecclesiastica constituta munita fuerint, ut sine dubitatione ulla fides habeatur, mandamus, atque decernimus.

Dat. Romae apud S. Petrum, sub annulo Piscatoris, die 24. Martii 1564. Pontificatus nostri Anno V.

XCI.

Approbatio Indicis librorum prohibitorum, cum regulis firmatis per Patres a sacro Concilio Tridentino deputatos. Et prohibitio illos de cetero habendi, & legendi.

PIUS PAPA QUARTUS

Ad perpetuam rei memoriam.

Domini gregis custodia Domino disponente praepositi, vigilis more pastoris non desistimus ipsi gregi ab imminenti periculis, quanta maxima possumus cura, & diligentia praecavere, ne propter negligentiam nostram pereant oves, quae pretiosissimo Domini nostri Jesu Christi sanguine sunt redemptae. Et si autem quae ad fidei veritatem patefaciendam, & ad horum

Clausula derogatoria.

Forma publicandi hanc Constitutionem.

Fides transumptorum.

D. P. An. V. 24. Martii.

Legis librorum hereticorum ne diu simplices, sed etiam doctos viros contempnit.

Ideo Concilium Tridentinum ad firmandum Indicem librorum prohibitorum.

Illam ideam jam perfectam modo approbat hic Pontifex.

Hocque legi, vel teneri prohibet.

horum temporum haeres confutandas pertinebant, in Oecumenico, & generali Concilio Tridentino, sancti Spiritus assistente gratia, nuper adeo enucleata, ac definita fuerunt, ut facile jam sit unicuique sanam, catholicamque doctrinam a falsa, adulterinaque internoscere: tamen cum librorum ab hereticis editorum lectio, non modo simpliciores homines corrumpere soleat, verum saepe etiam doctos eruditosque in varios errores, & a veritate fidei catholicae alienas opiniones inducere, huic quoque rei esse duximus providendum.

§.1. Cum autem aptissimum ei malo remedium esse sciremus, si componeretur atque ederetur Index sive Catalogus librorum, qui vel haeretici sint, vel de haeretica pravitate suspecti, vel certe moribus, & pietati noceant, id negotium ad sacram Tridentinam Synodum rejeceramus, ea vero ex tanta Episcoporum, & aliorum doctissimorum virorum copia delegit ad eum conficiendum Indicem multos cum doctrina, tum judicio insignes Praelatos ex omnibus fere nationibus. Qui quidem non sine maximo labore, plurimisque vigilis, eum Indicem tandem, Deo juvante, perfecerunt, adhibitis etiam in consilium lectissimis quibusdam Theologis. Peracto autem Concilio, cum ex ipsius Synodi decreto is Index Nobis oblatum fuisset, ut ne antea ederetur, quam a Nobis approbatus fuisset, Nos doctissimis quibusdam, probatissimisque Praelatis eum accuratissime legendum, examinandumque tradidimus, & ipsi etiam legimus.

§.2. Cum igitur eum magno studio, acri judicio, diuturna cura confectum, & praeterea commodissime digestum esse cognoverimus. Nos saluti animarum consulere, eamque ob causam providere cupientes, ne libri, & scripta cujuscumque generis, quae in eo improbantur, sive ut haeretica, sive ut de haeretica pravitate suspecta, sive ut pietati, ac morum honestati inutilia, aut aliqua correctione saltem indigentia, posthac a Christianis legantur, ipsum Indicem, una cum regulis ei praepositis, auctoritate Apostolica tenore praesentium approbamus, imprimique, ac divulgari, & ab omnibus universitatibus Catholicis, ac quibuscumque aliis ubique suscipi, easque regulas observari mandamus, atque decernimus.

§.3. Inhibentes omnibus, & singulis, tam ecclesiasticis personis secularibus, & regularibus cujuscumque gradus, ordinis, & dignitatis sint, quam laicis quocumque honore, ac dignitate praeditis, ne quis contra earum regularum praescriptum, aut ipsius prohibitionem Indicis libros ullos legere, habereve audeat. Si quis autem adversus eas regulas, prohibitionemque fecerit: is quidem, qui hereticorum libros, vel cujusvis auctoris scripta propter haeresim, vel falsi dogmatis suspicionem damnata, atque prohibita legerit, habueritve, ipso jure in excommunicationis poenam incidat, eamque ob causam in eum tamquam de heresi suspectum inquiri, & procedi liceat, praeter alias

poenas super hoc ab Apostolica Sede, sacrisque Canonibus constitutas. Qui autem libros alia de causa prohibitos legerit, habueritve, praeter peccati mortalis reatum, Episcoporum arbitrio severe se noverit puniendum.

§.4. Non obstantibus Constitutionibus, & Ordinationibus Apostolicis contrariis quibuscumque. Aut si aliquibus communiter, vel divisim ab eadem sit Sede indultum, ne excommunicari possint per literas Apostolicas non facientes plenam, & expressam, ac de verbo ad verbum de indulto hujusmodi mentionem.

§.5. Ut haec autem ad omnium notitiam perveniant, neve quis excusatione, ignorantiae uti possit, volumus, & mandamus, ut haec litera per aliquos Curiae nostrae Cursores in Basilica Vaticana Principis Apostolorum, & in Ecclesia Lateranensi tunc, cum in eis populus, ut Missarum solemnibus interfit, congregari solet, palam & clara voce recitentur: & postquam recitatae fuerint, ad valvas earum Ecclesiarum, itemque Cancellariae Apostolicae, & in loco solito Campi Florae affigantur, ibique ut legi, & omnibus innotescere possint, aliquantisper reliquantur. Cum autem inde amovebuntur, earum exempla in iisdem locis affixa remaneant. Nos enim per recitationem hanc, publicationem & affixionem, omnes & singulos, qui his literis comprehenduntur, post tres menses a die publicationis, & affixionis earum numerandos, volumus perinde adstrictos, & obligatos esse, ac si ipsismet illa edita, lectaque fuissent.

§.6. Transumptis quoque earum, quae manu alicujus publici Notarii scripta, subscriptave, & sigillo ac subscriptione alicujus personae in dignitate ecclesiastica constituta munita fuerint, fidem sine ulla dubitatione haberi mandamus, atque decernimus.

Datum Romae apud S. Petrum, sub annulo Piscatoris, die 24. Martii 1564., Pontificatus nostri Anno quinto.

XCI.

Approbatio Confraternitatis sub invocatione Sanctissimi Nominis Dei, ad cavendum blasphemias, periuria, illicitaque juramenta instituta, cum indulgentiarum, & aliarum gratiarum concessione.

PIUS PAPA QUARTUS

Ad perpetuam rei memoriam.

Injunctum Nobis Apostolicae servitutis officium, Nos admonet, ut animarum saluti quantum cum Deo possumus, etiam multiplicatis gratis omni ratione consulamus.

§.1. Hodie siquidem per Nos accepto, quod in Burgensi, & pluribus aliis Hispaniarum Civitatibus, & aliis locis una saluberrima Confraternitas sub vocabulo Nominis Jesu instituta erat, cujus Confratrum partes

Contrariis derogat.

Formam publicationis hujus Bullae profert.

Transumptis credi jubet.

D. P. An. V. 24. Martii.

Exordium:

Instituto Sodalitatis nominis Dei in Hispaniis.



tes potissimum essent, diligenter cavere, ne vel ipsi, vel alii coram eis aliquo modo, nisi ob causam gravissimam jurarent, & contrafacientes modeste admonerent. Quodque ipsi Confraternitati plurimi Christianifideles se conscribi fecerant, quorum opera, & studio blasphemiae, perjury, & alia illicita juramenta commode prohibebantur.

Approbatio Pontificis circa Sodalitatis ubique terrarum pro die Circumcisionis.

§.2. Nos ut ipsa Confraternitas in majori semper reverentia habeatur, & Christi fideles eo libentius illam ingrediantur, quo ipsa amplioribus decorata spiritualium gratiarum donis, & Apostolicis fuerit suffulta privilegiis, de Omnipotentis Dei misericordia, ac Beatorum Petri, & Pauli Apostolorum ejus auctoritate confisi, omnibus, & singulis dictae Confraternitatis, ubi vis terrarum, & locorum, nunc & pro tempore diffusa, utriusque sexus Confratribus in illa, nunc & pro tempore descriptis ubilibet constitutis, sive sub eisdem Confraternitatis regula prius edita, sive sub alia simili comprehendatur, qui vere poenitentes, & confessi die festo Circumcisionis Domini Nostri Jesu Christi annis singulis, in perpetuum, Sacrosanctum Eucharistiae Sacramentum susceperint, & solemniter per ipsam Confraternitatem in dicto die festo ubi vis locorum pro tempore celebrari solite, in toto, vel in parte interfuerint, quoties id egerint, toties pro quolibet die festo hujusmodi plenariam omnium & singulorum, ac quorumcumque peccatorum suorum indulgentiam, remissionem, & absolutionem auctoritate Apostolica tenore praesentium, concedimus, & elargimur.

Primaque Dominica cujuscuque mensis.

§.3. Illis vero Confraternitatis confratribus, qui qualibet prima die Dominicae cujusque mensis totius anni, similiter in perpetuum, ad Missam, quam ipsi Confratres audire tenentur, audiendam convenirent, quotiescumque id egerint, decem annos.

Admonentibus quaque temere jurantem, & blasphemantem.

§.4. Qui vero temere jurantem, aut alias divinum Nomen blasphemantem, modeste, & charitative, quandocumque admonuerint, pro qualibet vice centum dies. Et quicumque verbi Dei Praedicatori seculari, vel cujusvis Ordinis regulari, qui Christi fideles, ut a juramentorum abusus caveant & hanc dictae Confraternitatis regulam amplectantur hortatus fuerint, decem annos de injunctis sibi poenitentis in forma Ecclesiae consueta, misericorditer in Domino relaxamus.

Facultas Confratrum eligendi in die Circumcisionis confessores approbatos, qui eos absolvant &c.

§.5. Et ut ipsi Confratres dictae Indulgentiae plenariae, Deo propitio, facilius efficiantur participes, illis, & eorum singulis, indulgentiam hujusmodi consequi volentibus, ut dicto die festo Circumcisionis occurrere, quoscumque sibi beneficos idoneos Presbyteros, seculares, vel cujusvis Ordinis Regulares, per Ordinarium loci approbandos, in suos possint eligere Confessores, qui confessionibus ipsorum diligenter auditis, & eorum quemlibet, ab omni, & quacumque excommunicationis, etiam majoris, & ab omnibus, & quibusvis aliis Ecclesiasticis sententiis, censuris, & poenis

a jure, vel ab homine, aut mixtim, quavis occasione, vel causa latis (salvo tamen jure tertii) necnon ab omnibus, & singulis eorum peccatis, criminibus, excessibus, & delictis quantumcumque gravibus, & enormibus, etiam locorum Ordinariis, ac Sedi Apostolicae reservatis, praeterquam in Bulla die Coenae Domini legi consueta contentis, dicta auctoritate Apostolica absolvere, eisque pro commissis poenitentiam salutarem iniungere. Ac vota quaecumque (Hierosolymitano, visitationis Luminum beatorum Apostolorum Petri, & Pauli praedictorum, de Urbe, ac Jacobi in Compostella, necnon castitatis, & religionis votis dumtaxat exceptis) in alia pietatis opera commutare valeant, similiter auctoritate, & tenore praemisissis perpetuo concedimus, & indulgemus.

Ordinariis favore promotioni hujus Sodalitatis.

§.6. Mandantes universis, & singulis venerabilibus fratribus nostris Patriarchis, Archiepiscopis, & Episcopis, ac dilectis filiis ceteris Ecclesiarum Praelatis, & locorum Ordinariis ubilibet constitutis, eorumque generalibus in spiritualibus Vicariis, & Officialibus, quod ubi, & quando opus fuerit, ac quoties pro Confratrum praedictorum parte fuerint requisiti, eidem Confraternitati praedictae pro posse favent, favorabiliter assistant, & illam promovere procurent.

Clausa hujus Constitutionis praesentium.

§.7. Praesentibus, quas nunquam, etiam per Nos, aut alios Romanos Pontifices Successores Nostros, vel Sedem praefatam, aut alios quoscumque quomodolibet revocari, suspendi, limitari, reduci, modificari, aut eis in aliquo derogari posse, neque sub quibusvis illarum, aut similiarum, vel dissimiliarum indulgentiarum, & gratiarum revocationibus, suspensionibus, alterationibus, modificationibus, limitationibus, derogationibus, aut aliis contrariis dispositionibus, in genere, vel specie, per Nos, vel Successores Nostros, aut Sedem praefatam, seu quovis alios, & ex quibuscumque, etiam urgentissimis, & necessariis causis, etiam pro fabrica Basilicae Principis Apostolorum de Urbe, Cruciatu sancta, vel expeditione contra infideles, etiam ad Imperatoris, Regum, Reginarum, Ducum, Principum, vel aliorum instantia, seu eorum contemplatione, vel etiam Motu proprio, & ex certa scientia, ac alias quomodolibet canonice, vel de facto, nunc, & pro tempore impositis, & factis, ullatenus umquam comprehensis, sed semper ab illis exceptis, & quoties illa emanabunt, toties in pristinum, & validissimum statum restitutas, & de novo concessas fore, ac censeri decernimus, perpetuis futuris temporibus.

In die Circumcisionis non obstante interdicto, in locis Confraternitatis celebrari potest, & sociorum corpora sepeliri valent.

§.8. Ut autem ipsi Confratres, majorem a Nobis gratiam reportasse latentur, eisdem Confessoribus Confratribus juramenta qualibet sine alterius praedicti relaxare. Et praeterea eidem Confraternitati, illiusque Confratribus, ac Ecclesiae, Capellis, & Altaribus ejusdem ubilibet constitutis, quod quocumque tempore cujusvis interdicti, & cessa

cessationis a divinis, videlicet dicto die festo Circumcisionis a primis vespere usque ad occasum Solis ejusdem diei inclusive, Vesperae, Missae, aliaque divina officia in ipsius Confraternitatis Ecclesiis, Altaribus, ac Capellis, solemniter, & publice celebrari. Qualibet vero prima die Dominica cujuslibet mensis privati Confratres privatam eorum Missam ex eisdem Confraternitatis instituto celebrari solitam celebrari facere, illique interesse. Ac insuper semel in mense Dominicum corpus suscipere. Et quoties aliquem, vel aliquos ex ipsis Confratribus quocumque tempore interdicti, seu cessationis a divinis hujusmodi mori contigerit, dummodo causam non dederit interdicti, eorum cadavera cum moderata pompa sepeliri, libere, & licite valeant. Et interim interdicta, & cessationes a divinis hujusmodi quaecumque sint, ad effectum praemissum omnino suspendantur, & suspensa esse censeantur, auctoritate Apostolica tenore praesentium concedimus, & indulgemus.

Clausa praesentium.

§.9. Ac praesentes literas sub quibusvis revocationibus, derogationibus, vel limitationibus similium gratiarum, per Nos, vel Successores nostros in genere, vel in specie ex quibusvis etiam urgentissimis causis, etiam ad Imperatoris, Regum, & aliorum Principum instantiam pro tempore quomodolibet emanatis, nullatenus comprehendendi, sed semper ab illis exceptas fore.

Decretum irritans.

§.10. Et ita per quoscumque Judices, & Commissarios quavis auctoritate fungentes, sublata eis, & eorum cuilibet quavis aliter judicandi, & interpretandi auctoritate, & facultate, judicari, & definiri debere, ac quicquid secus a quoquam quavis auctoritate scierit, vel ignoranter attentari contigerit, irritum, & inane decernimus.

Clausa derogatoria.

§.11. Non obstantibus quibusvis Apostolicis, ac in Provincialibus, & Synodali Conciliis editis generalibus, vel specialibus Constitutionibus, & Ordinationibus, ac Cancellariae Apostolicae regulis editis, & edendis, necnon etiam juramento, confirmatione Apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

Declaratio circa dictam facultatem eligendi Confessorem.

§.12. Volumus autem ne Confratres ipsi, quod absit, propter hujusmodi gratiam reddantur procliviores ad illicita committenda, quod si a sinceritate fidei, & unitate S.R.E., ac obedientia, & devotione nostris, vel Successorum nostrorum Romanorum Pontificum canonice intrantium desiterint, aut confidentia ejusdem gratia aliqua commiserint, gratia, & litera, quoad eligendum Confessorem hujusmodi illis nullatenus suffragentur.

Declaratio circa dictas Indulgentias.

§.13. Volumus autem, quod si aliqua alia indulgentia fuerit per Nos in aliquo loco eidem Confraternitati concessa, praesentes quoad locum hujusmodi nulla sint.

D. P. An. V. 23. Aprilis.

Datum Romae apud S. Petrum, sub annulo Piscatoris, Anno Incarnationis Dominicae millesimo quingentesimo sexagesimo quarto, Idibus Aprilis, Pont. nostri Anno V. Bull. Rom. Tom. IV. Par. II.

Quod major pars Cardinalium Sanctissimae Inquisitionis decernit, a tota Congregatione valide statutum censetur.

Institutionem hujus Congregationis habes in Pauli III. Const. XLII. Licet Tom. IV. Par. I. fol. 211.

PIUSEPISCOPUS

Motu proprio &c.

CUM Nos per nostrum specialem Motum proprium sub data Romae apud Sanctum Marcum, quarto Non. Aug., Pontificatus nostri Anno quinto officio supremo in Alma Urbe, & Curia nostra, ac tota reipub. Christiana sanctae Inquisitionis haereticae pravitatis, ejusque causarum audientiae, cognitioni, expeditioni, & terminationi praefecerimus, & deputaverimus dilectos filios nostros Joannem Michaellem Sanctae Anastasiae Saracenum, & Jo. Baptistam S. Clementis Cicadam, ac Joannem Suavium S. Priscae Reumanum, necnon Michaellem S. Sabinae Ghislerium, & Clementem S. Mariae in Araceli Monialium, & Ludovicum S. Cyriaci in Thermis Simonetam, & Carolum S. Martini in Montibus Borromaeum Presbyteros, ac Vitellotium S. Mariae in Porticu Vitellium Diaconum, tunc titulum Miseratione divina S.R.E. Cardinales, cum facultatibus, jurisdictionibus, & auctoritatibus, prout in eodem Motu proprio latius continetur.

Deputatio Cardinalium Congregationis S. Inquisitionis.

§.1. Cum postea etiam in eodem sancto Officio supremo inquisitionis haereticae pravitatis, verbo deputaverimus Inquisitorem dilectum Filium nostrum Franciscum Alciatum tituli sanctae Susanna Cardinalium, ne in posterum de ipsius jurisdictione haeritari contingat, Motu simili & ex certa nostra scientia, deputationem hujusmodi tenore praesentium approbamus, & confirmamus, & quatenus opus sit, de novo eundem generalem Inquisitorem haereticae pravitatis, prout supra scripti alii octo Cardinales, constituimus, deputamus, & ordinamus, & in numero supradictorum aliorum Inquisitorum unimus, & aggregamus.

Alia deputatio.

§.2. Et insuper pro faciliiori causarum expeditione, & terminatione statuimus, decernimus, & ordinamus, ut quicquid per majorem partem S. R. E. Cardinalium, qui in Congregatione pro dicto officio intervenerint, seu convenerint dictum, gestum, statutum, ordinatum, decretum, terminatum, seu sententiatum extiterit, sit validum, & firmum, ita & taliter, quod nullo modo impugnari possit, perinde ac si omnes, & singuli Cardinales praedicti in dicta Congregatione convenissent, & major pars consensisset.

Quod major pars fecit tota Congreg. fecisse dicitur.

§.3. Cum plena & omnimoda jurisdictione, auctoritate, & potestate omnibus praedictis Cardinalibus, & eorum Praedecessoribus, per Nos vel alios Summos Pontifices alias quomodolibet concessis, & attributis, irritum, &c. decernentes.

Omnimoda jurisdic. Congregationis est.

§.4. Non obstantibus praemisissis, ac quibusvis. Bull. Rom. Tom. IV. Par. II.

Deputatio Congregationis.



bulfvis aliis Constitutionibus, & Ordinationibus Apostolicis, & omnibus illis, quae Nos, & Praedecessores nostri voluerunt & volumus non obitare, ceterisque contrariis quibuscumque.

Sola sufficit signatura.

§.5. Decernentes solam praesentis nostri Motus proprii signaturam sufficere, & ubique in iudicio, & extra fidem facere, regula contraria non obstante.

Papa subscr.

Placet Motu proprio. I.

XCIV.

Declaratio quod Concilii Tridentini decreta circa Reformationem, & jus positivum tantummodo, ligare coeperunt a Kalen. Maii 1564.

PIUS EPISCOPUS SERVUS SERVORUM DEI

Ad perpetuam rei memoriam.

Exordium.

Sicut ad sacrorum Conciliorum decreta, ac Canones, auctoritas, atque confirmatio Apostolica Sedis, & debet & solet accedere, ita si qua super eis exorta sit dubitatio, eiusdem Sedis iudicio, & declaratione tollenda est.

Dubitabant multi a quo tempore ligaret Concilium Tridentinum circa Reformationem, & jus positivum

§.1. Ad aures nostras pervenit multos esse, qui dubitent ex quo tempore coeperint decreta sacri generalis Concilii Tridentini, ad reformationem & jus positivum dumtaxat spectantia, eos, ad quos pertinent, obligare, illa praesertim, quae tempora certa praestituunt ad provinciales, dioecesanisque Synodos celebrandas, ad sacros Ordines suscipiendos, ad religionem profitendam, ad parochiales Ecclesias, aliaque beneficia ecclesiastica, quae ejusdem Concilii decretis retineri prohibitum fuit, resignanda, & ad complures res hujusmodi exequendas, ac alias omnes ad praedictam reformationem, jusque positivum tantum spectantes, quae observari, aut evitari debeant.

Illius.

Declarat ideo Pontifex coepisse ligare a Kalend. Maii 1564.

§.2. Nos itaque ut omnis controversia, dubitatioque tollatur, Motu proprio eam rem, prout rationi, juri, & aequitati convenire censuimus, duximus declarandam. Nam etsi ipsius Concilii decreta, etiam de venerabilium fratrum nostrorum S. R. E. Cardinalium consilio, & assensu in Consistorio nostro secreto confirmata a Nobis fuerunt sub finem mensis Januarii; & ab eo etiam tempore apud hanc sanctam Sedem observari coeperunt, quia tamen non parum temporis in eis Romae diligenter emendateque imprimendis necessario consumptum fuit, & jure etiam communi sancitum est, ut Constitutiones novae vim, non nisi post praedicta decreta omnia ad dictam reformationem, jusque positivum dumtaxat spectantia, a Kalen. Maii proxime praeteriti omnes obligare coepisse, neque post eam diem excusationem cujuscumque, quod ea ignoraverit, admittendam.

Decretum irritans.

§.3. Atque ita Apostolica auctoritate

declaramus, ac definimus, & ab omnibus judicari debere mandamus, atque statuimus. Decernentes irritum, & inane, si quid secus a quoquam quacumque dignitate auctoritate, & potestate praedito contigerit judicari.

§.4. Non obstantibus Constitutionibus, & Ordinationibus Apostolicis aliisque in contrarium facientibus quibuscumque.

Clausula derogatoria.

§.5. Nulli ergo omnino hominum &c. Datum Romae apud S. Petrum, Anno Incarnationis Dominicae millesimo quingentesimo sexagesimo quarto, 14. Kal. Augusti, Pontificatus nostri Anno V.

Sanctio penal. D. P. An. V. 18. Julii.

XCV.

Institutio Congregationis S. R. E. Cardinalium, super executione, & observantia Sacri Concilii Tridentini, & aliarum Reformationum hujus Pontificis.

PIUS PAPA QUARTUS

Motu proprio &c.

Alias nonnullas Constitutiones, & Ordinationes, reformationem majoris Poenitentiarum, ac sacrae Poenitentiarum nostrae, ac Vicarii nostri, ac ejus officii, necnon Camerarii, & Camerae Apostolicae, ac illius causarum Auditoris, necnon Palatii Apostolici causarum Auditorum, ac gubernatoris, & Capitolinae Curiarum, & Contradictorum, aliorumque Almae Urbis nostrae, ac Rom. Cur. Tribunalium, & officiorum concernentes edidimus, quae tamen, ut intelleximus, ab eorumdem officiorum, & Tribunalium praefatis, ac officialibus minus diligenter observantur.

Reformationes de quibus in praecedentibus Bullis referantur.

Institutio Congregationis, de qua in rubrica.

§.1. Cum autem enixa nostrae voluntatis sit, ut illa, & pariter decreta sacri Concilii Tridentini in his, quae ad eorum officia spectant, ab eisdem omnino observentur, Nos propterea considerantes parum esse jura condere, nisi sint, qui ea executioni demandari faciant, & in praemissis, prout ex debito pastoralis officii Nobis, meritis licet imparibus, injuncti obligamur, salubriter, & utiliter providere, praefatasque Constitutiones, & Ordinationes, ac decreta Concilii, quas, & quae hic haberi volumus pro expressis, inviolabiliter observari volentes, venerabili fratri nostro Joanni Episcopo Tusulan. Morono, Jo. Michaeli S. Anastasiae Saraceno, ac Jo. Baptista S. Clementis Cicadae, necnon Michaeli S. Sabinae Alexandrino, Clementi S. Mariae in Araceli, & Ludovico S. Cyriaci in Thermis Simonetae, ac Carolo S. Martini in Montibus Borromaeo Presbyteris, necnon Vitellotio S. Mariae in Porticu Vitellio nuncupatis, titularum Diacono, Cardinalibus committimus, & mandamus, quatenus ipsi, seu eorum major pars, conjunctim, vel divisim, eorum arbitrio, etiam tanquam executores dictarum literarum, Constitutionum, & Decretorum praedictorum Constitutiones, & Ordina-

inationes, ac decreta praefata, juxta tenores eorum, ac literarum desuper confectarum per quoscumque Poenitentiarum, Vicariae, & Camerae, ac Rotae Curiarum, ac Tribunalium praedictorum Judices, & officiales, sub excommunicationis latae sententiae, ac privationis officiorum, & alii eisdem Cardinalibus benevisis, etiam pecuniarum, eo ipso incurren. poenis, firmiter observari faciant, & cum effectu (nisi tam in executione dictorum decretorum Concilii, quam dictarum literarum nostrarum, aliqua dubietas, aut difficultas emerferit, quo casu ad Nos referant,) invocato, etiam ad hoc, si opus fuerit, auxilio brachii secularis.

Obedientia Congregationi debita.

§.2. Ac eos, qui literis, & decretis praedictis, & eorumdem Cardinalium mandatis non paruerint, ex nunc, prout ex eadem die, & contra, illorum officii privatos, necnon ad illa, & alia Romanae Curiae officia in posterum obtinenda inhabiles, ac ipsi ab eisdem officiis sic privatis, illa tanquam per privationem vacantia a Datario nostro vendi, & a quibusvis personis idoneis pro pretio convenienti emi, libere, & licite posse, auctoritate nostra curent, nuncient, decernant, ac declarent, prout Nos harum serie nunciamus, decernimus, & declaramus.

Derogatio contrariorum.

§.3. Non obstantibus quibusvis Constitutionibus, & Ordinationibus Apostolicis, ac Poenitentiarum, & Curiarum, necnon Tribunalium praedictorum statutis &c. etiam juramento, &c. roboratis, privilegiis quoque, indultis, & literis Apostolicis illis, ac dictis officialibus, & Tribunalibus sub quibuscumque tenoribus, & formis, ac cum quibusvis clausulis, & decretis, etiam Motu simili, &c. & alias quomodocumque concessis, &c. Quibus omnibus, &c. illo- rum tenores, &c. hac vice latissime derogamus, eaque adversus praemissa nullatenus suffragari volumus, ceterisque contrariis quibuscumque.

Papa subscr. D. P. An. V. 2. Augusti.

Placet Motu proprio. I. Datum Romae apud S. Marcum, quarto Non. Augusti, Anno V.

XCVI.

Facultas S. R. E. Cardinalium Congregationis super Inquisitione haeretica pravitatis tenendi, & legendi libros haereticos, aut alias prohibitos, & concedendi aliis licentiam eos habendi, ac legendi.

PIUS PAPA QUARTUS

Motu proprio &c.

Hic Pontifex deputavit Cardinales Inquisitores generales, sed hanc Bullam hic non habet.

Cum inter crimina, quae animadversione digna sunt, & in corrigendo exempla cunctis praebere debeant, haereticis sit gravius, & ceteris detestabilibus: ideo cum Nobis maxime displiceat, & ne illud latius serpat, pro illo extirpando, cunctis, etiam de crimine hujusmodi infectis, & il-

lius fautoribus, ne ad deteriora (quod Deus avertat) delabantur, per Nos non modicum invigilandam sit. Cumq. annis praeteritis, & etiam forsitan usque in hodiernum diem in diversis mundi partibus, proh dolor! haereses, & falsa dogmata pullulaverint, & adhuc pullulent, sollicitante humani generis inimico, minusque, etiam cujuscumque correctionis praetextu pullulare cessent. Propterea dilectos filios nostros Joannem Michaelum S. Anastasiae Saracenum, Joannem Baptistam S. Clementis Cicadam, Joannem Suavium S. Prisca Reumanum, Michaelum S. Sabinae Alexandrinum, Clementem Olera S. Mariae de Araceli, Ludovicum S. Cyriaci in Thermis Simonetara, Carolum S. Martini in Montibus Borromaeum Presbyteros, ac Vitellotium S. Mariae in Porticu Diaconum Vitellium, Cardinales nuncupatos; pro erroribus; pro erroribus; pro erroribus quarumcumque haeresum dictum contingunt, reprimens, & seu haeresibus hujusmodi, & illarum fautoribus, Domino nostro Jesu Christo auxiliante, extirpandis, deputaverimus: ac eos in Inquisitores, seu in S. Inquisitionis Congregatione Deputatos, cum omnimoda potestate constituerimus.

§.1. Et eis saepe contingat, ne Catholici, & Christiani veneno hujusmodi sectae, & illius fautorum afficiantur, ac etiam pro negociorum, & causarum pro tempore incurrentium expeditione, ac haereticorum, qui etiam ad praesens carceribus in Alma Urbe nostra mancipati existunt, ac pro tempore mancipentur, deprehensione, & eorum ad veram doctrinam reductione, nonnullos, seu quamplures libros ab ipsis impiis haereticis, & sectae Lutheranae fautoribus compositos, & in lucem editos, ac qui in dies successu temporis edentur, & componuntur, ac etiam aliquando oporteat, pro conservanda Religione in cordibus Catholicorum eisdem libris, & haereticorum deceptionibus, fraudibus, & dolis, ac machinationibus respondere, vel a viris Catholicis, ac sacrae Doctrinae peritis responderi facere, stantibusque Constitutionibus haecenus per Nos editis, & per Indicem librorum correctorum de mandato nostro, vel alias factum, prohibitionibus sacris, eisdem libris, pro hujusmodi erroribus reprimens, tenere, & legere dubitent, ac ut filii obedientiae eisdem libris perspicere, ut accepimus, non audeant.

Illi indigent libris prohibitis ex causis hic expressis, quos tamen tenere non volebant stante Indice, de quo supra in Const. 91. fol. 174.

§.2. Ad omnem igitur haesitandi materiam, & conscientiae scrupulum in eis tollendum, Motu simili, & ex certa nostra scientia, ac de Apostolica potestate plenitudine, de eorumdem Joannis Michaelis, Joannis Baptistae, Joannis Suavii, Michaelis, Clementis, Ludovici, Caroli, ac Vitellotii Cardinalium fide, probitate, & constantia, singularem, tum notitiam, tum fiduciam habentes, eisdem Cardinalibus, ut durante eorum officio, & quamdiu Inquisitioni hujusmodi praesuerint, quoscumque, quacumque quocumque, & qualiacumque, quorumcumque, tum antiquorum tum modernorum, & futuro-

Hic ideo Pontifex licentiam, & facultatem, de qua in rubrica concedit.



rum, infidelium, & hæreticorum, aut hæresis, & cuiuscumque impietatis, vel superstitionis, vel reprobatae litionis, condemnatorum, vel suspectorum, ac etiam incertorum, vel dissimulorum auctorum, & scriptorum, atque etiam Hugonorum commentaria, tractatus, libros, collectanea, expositiones, annotationes, interpretationes, versiones, & alia cuiuscumque inscriptionis, & argumenti opera, quocumque nomine nuncupata; Latino, Graeco, Hebraeo, aut quocumque alio, etiam vulgari cuiuscumque regionis sermone composita, tam manu scripta, quam a quibuscumque impressoribus, & in quibuscumque locis, etiam nominatim prohibitis, vel suspectis, seu etiam sine impressorum, & locorum, ac temporis titulo, ac absque locorum Ordinariorum, & hæretice pravitatis Inquisitorum, aut aliorum ad id deputatorum licentia, & approbatione impressa, etiam ex professo contra Nos, & pro tempore existentem Romanum Pontificem, & S. Romanam Ecclesiam, ac Sedem Apostolicam prædictam, composita, & conscripta, ac etiam divulgata, necnon hæreses, & errores, seu reprobatae, & damnatae disciplinae continentia, necnon impressorum, & auctorum, aliorumque id genus hominum damnatorum memoriam, & nomina præferentia, tam per officium S. Romanae, & universales Inquisitionis, quam alias quomodocumque, & qualitercumque, in genere, vel in specie pro tempore prohibita in quibusvis mundi partibus, ad quos eos accedere contigerit, potissimum in Alma Urbe nostra, & Romana Curia habere, tenere, legere absque aliquo conscientiae scrupulo, & cuiuscumque suspicionis, vel infamiae, aut censurarum Ecclesiasticarum incurfu, libere, & licite possint, & valeant. Ita quod in futurum nullatenus super retentione librorum, scripturarum, extractuum, & explicationum, & commentariorum huiusmodi impediri, molestari, vel argui, seu inquiri possint, plenam, & liberam licentiam, facultatem, & auctoritatem concedimus, & impartimur, ac desuper cum eis indulgemus.

§. 3. Districtius inhibentes quibusvis aliis, tam Ecclesiasticis, quam secularibus personis, etiam quacumque auctoritate, præcellentia, & dignitate fungentibus, etiam Cardinalatus honore præditis, ne eisdem libros, extractus, seu scripturas, & commentaria huiusmodi, etiam, ut præfertur, specificata, quovis quæsto colore, etiam cuiusvis privilegii, a Nobis, & a Prædecessoribus nostris, vel ab ipso Sancta Inquisitionis officio hætenus concessi prætextu, penes se retinere, aut tenere, legere, & explicare, absque Cardinalium prædictorum nova facultate, & licentia, sub excommunicationis majoris, & late sententiae poena, quam eo ipso in his ferimus scriptis, ac aliis poenis a Constitutionibus ac sacris Canonibus inflictis, & in Indice huiusmodi contentis, audeant, seu præsumant. Ac decernentes irritum &c.

Prohibetur etiam aliis, ne libros prohibitos teneant vel legant, etiam vigore cuiuscumque privilegii, ab his eisdem Card. Inquisit. licentia.

§. 4. Et nihilominus eisdem supranominatis Cardinalibus dilectis filiis nostris, quando eis, vel eorum majori parti videbitur, si placuerit, in plena Congregatione tantum similem licentiam concedendi quibuscumque personis cuiuscumque dignitatis, gradus, ordinis, & præminentiae existentibus, supradictos libros etiam cuiuscumque damnatae litionis tenent, habent, legent, & interpretandi, seu explicandi ad tempus, vel in perpetuum, & concessam revocandi, similiter licentiam, & facultatem concedimus, & impartimur de gratia speciali.

§. 5. Non obstantibus Lateranen., & quorumcumque Conciliorum, ac alii Apostolicis, necnon in Provincialibus, & Synodalibus Conciliis editis, generalibus vel specialibus Constitutionibus, & Ordinationibus, statutis &c. etiam juramento roboratis, privilegiis quoque, indultis, & literis Apostolicis pro tempore existentibus Sanctae Inquisitionis huiusmodi majoribus Inquisitoribus, & quibusvis etiam S. R. E. Cardinalibus, ceterisque ad dictum officium in dicta Urbe, & alibi deputatis, ac alias in genere, vel in specie, etiam cum censurarum, & poenarum incurfu, aliisque decretis, & clausulis sub quibuscumque tenoribus & formis, etiam Motu proprio &c. seu etiam consistorialiter, ac alias quomodolibet concessis, quibus omnibus etiam si de illis &c. tenores &c. hac vice latissime, specialiter, & expresse derogamus, ac sufficienter derogatum esse decernimus, ceterisque contrariis quibuscumque, cum clausulis opportunitis.

Fiat Motu proprio I.

§. 6. Et de concessionibus, impartitionibus, indultis, inhibitione, singulis decretis, derogatione, declaratione, de, ac pro omnibus, & singulis præmissis, ut supra latissime exten. Et cum opportuna, si videbitur, exequutorum deputatione &c. etiam sub censuris &c. cum potestate aggravandi &c. invocato ad hoc, si opus fuerit, auxilio brachii secularis, & cum derogationibus, constitutione, de una, & de duabus dietis, non tamen ultra tres, ac prædictorum, & quorumcumque aliorum quomodolibet contrariorum ad effectum &c. latissime exten., & quod præsentis Motus proprii sola signatura sufficiat, & ubique fidem faciat, in iudicio & extra, regula contraria non obstante, seu si videbitur litera per Breve nostrum cum præmissorum omnium, & singulorum etiam qualitat. ac nominum, & cognominum consultiorem huiusmodi majori & veriori specificatione, & expresse expediri possint.

Datum Romae apud S. Marcum 6. Kal. Septem., Ann. Quinto.

Facultatem Inquisit. concedi tales licentias dandi.

Clausula derogatorie.

Clausularum repetitio.

D. P. An. V. 27. Augusti.

Can-

Cancellariae Criminales Status Ecclesiastici, ex causa vere onerosa aliis non concessa, Rev. Cam. Apost. iterato applicantur. Et statuta pro Cancellariis præfinitur. Cum privilegiorum concessione. Ac Theaurarii & A. C. super illis & eorum casibus, jurisdictione, & auctoritate.

Eadem applicationem fecit Paul. IV. in Constit. XV. Romanus Tom. IV. Part. I. fol. 333.

PIUS EPISCOPUS  
SERVUS SERVORUM DEI  
Ad perpetuam rei memoriam.

Exordium. **S**uperna providentia, quae cunctorum Christianidelium cœtum per diversa Reſtorum officia statuit in rectitudine gubernandum, Pontificalem ad hoc Nobis supremam contulit dignitatem, ut præ ceteris per congruam executionem pastoralis officii, cuius ministerio numine afflante divino, quamvis indigni præfideamus, cunctorum præsertim Nobis, & Sedis Apostolicæ subditorum, utilitati & indemnitati salubriter consulamus, ac ne in civitatibus, terris, castris, & aliis eidem Sedi immediate subiectis locis Notariorum, & Tabellionum, seu Scribarum incuria, vel nimia indulgentia, aut impunitate, partium contrahentium, & litigantium actus, & instrumenta summo cum eorum detrimento deperant, aut falsitatis, immutationis, vel alterationis vitio subiaceant, sed ad omnium commoditatem illa debite, diligenterque conserventur integra, & proinde ut jus suum unicuique intactum remaneat, opem, & operam efficaces impendamus.

§. 1. Cum itaque (sicut magno cum animi nostri moerore accepimus) in quamplurimis Status nostri Ecclesiastici civitatibus, terris, castris, & locis, nulla fere, aut rara admodum Archivia, seu Registra pro contractuum, instrumentorumque, & actuum aliorum, necnon varii alterius generis publicarum Scripturarum debita conservatio sine instituta, & si quæ sint, ita incertis, usu, & consuetudine depravata reperiantur, ut qui illis præsentur Notarii, Tabelliones, & Scribæ, etiam actuarii, cum ipsi, vel ad tempus a locorum Communitatibus, & Universitatibus, seu aliis superioribus, aut personis ad se potestatem habere prætendentibus, ad Notariatum officia exercenda sint electi, vel ex eo quod officia ipsa, a Nobis vel Prædecessoribus nostris Romanis Pontificibus, seu Camera Apostolica ipsius gratiosè concessa sunt, exercitia suorum officiorum huiusmodi parvipendentes, illorumque amissionem, vel privationem, seu quodvis alterius generis multæ, vel poenæ nusquam metuentes, partes ipsas exhibendis instrumentis, quorum conservacionem ipsi prorsus negligunt, in forma probante, ac solutio nibus superinde faciendis pro eorum arbitrio vexare non

Causæ istius Constitutionis.

vereantur, ac (quod peius esse videtur) ipsorumque quamplures præsertim in locis, in quibus illorum electio, & deputatio ad Communitates, aut Universitates, quas etiam circa Officiorum damnorum datorum concessiones variis modis aberrare Nobis plene consistit, spectat, literarum, & artis Notariatus rudes prorsus, & ignari, ac ad tale munus suscipiendum, & exequendum penitus inhabiles sint, in conficiendis instrumentis, & aliis actibus publicis, sive decretis, & declarationibus annotandis, infinitos committant errores, & falsitates. Ac nulli revisores, qui de se Notariorum eorundem idoneitate, & sufficientia informant, ac de eis attestentur, existant, sed passim favore, pretio, vel passionibus, etiam super officiorum Notariatuum huiusmodi emolumentis, partim vero electores, partim vero iudices, & commissarios dividendis, & distribuendis conjunctim eligantur, ac propterea excessive scripturarum, taxæ, & exactiones, non minus injuste, quam indebite extorqueantur, causeque in longum protrahantur, & quasi immortales efficiantur.

§. 2. Cumque institutio fel. rec. Pauli Papæ IV. Prædecessoris nostri præmissis, ac forsitan aliis tunc suadentibus causis moti, super officiis Notariatuum huiusmodi in causis criminalibus status nostri prædicti, proinde quidem ac permaxime utilium capitulorum editionem factam per Legatos, & Vicelegatos, ac Gubernatores locorum ita negligantur, ut ipsi (nescitur qua ratione ducti) præter, & contra mentem & intentionem nostras, illa & capitulis huiusmodi omnino neglectis, Cancellarios, & Notarios pro eorum libito, in civitatibus, terris, castris, & locis sub eorum legationibus, seu gubernis comprehensis ponere aliis amotis, aut si non amotis, in eorum officia, aut ea, quæ ad illa spectant, se ingerere non formidant, quam ob causam plura etiam ad præsens in huiusmodi criminalibus Notariatuum officia penes dictam Cameram non sine maximo ejus detrimento vendenda remanent, in gravem Divinae Majestatis offensam, partiumque contrahentium, & litigantium præjudicium, & gravamen, Notariorumque, Judicum, & Commissariorum, necnon Communitatum, & Universitatum, aliarumque personarum animarum periculum, & jacturam, ac plurimorum scandalum.

§. 3. Nos igitur, quibus imminet, talia ad meliorem & saniorum statum reducendi continua sollicitudo, præmissis ne fiant in posterum, debite provisionis nostræ adminiculo, quantum Nobis ex alto conceditur, obviare, necnon animarum salutem, nostrorumque civitatum, terrarum, castrorum, & locorum huiusmodi, ac eorum incolarum, præsertim litigantium & contrahentium statui, quieti, commoditati, securitati, ac salubriori directioni illorum regiminis consulere volentes, necnon quascumque provisiones, concessiones, assignationes, & qualvis alias dispositiones de præ-

Pauli IV. Constitutio edita super istis Cancellariis male observatur.

Ideo ab isto Pontifice revocantur omnes concessiones de eis factæ ex causa non onerosa.